

\*"মিষ্টি বাচ্চারা — যদি তোমরা বাবার সাথে "মিলন" (সাক্ষাৎ) উদযাপন করতে ইচ্ছুক থাকো, তাহলে পবিত্র হতে হবে। তার জন্য সত্যকারের আধ্যাত্মিক( রুহানি) প্রেমিক হও, একমাত্র বাবা ছাড়া কাউকে স্মরণ করো না ।"\*

\*প্রশ্ন :- যে ব্রাহ্মণেরা দেবতা হন, সেই ব্রাহ্মণদের পদ দেবতাদের থেকেও উচ্চ হয়, কীভাবে ?\*

\*উত্তর:- ব্রাহ্মণেরা এই সময় সত্যিকারের আধ্যাত্মিক সমাজ কর্মী (রুহানি সোশ্যাল ওয়ার্কার) । কারণ তারা মানব আত্মাতে (রুহ) পবিত্রতার , যোগের ইনজেকশান লাগিয়ে থাকেন । ভারতের ডুবে থাকা নৌকাকে শ্রীমত অনুসারে করে পার লাগিয়ে দেন। নরকবাসী ভারতকে স্বর্গবাসী বানিয়ে দেন । এমন সেবা দেবতারা করবেন না । তাঁরা তো এই সময়ের সেবার প্রালঙ্ ভোগ করেন, এই জন্য ব্রাহ্মণেরা দেবতাদের থেকে উচ্চ ।\*

গান :- আমাদের তীর্থ সবার থেকে স্বতন্ত্র (ন্যারা) .....

\*ওম শান্তি\*। বাচ্চারা তোমরা গান শুনলে । আমরা হলাম জীব আত্মা : আত্মা আর শরীর। আত্মাকে আত্মা আর শরীরকে জীব বলা হয় । আত্মারা আসে — পরমধাম থেকে । এখানে এসে শরীর ধারণ করে । এ হলো কর্মক্ষেত্র -- যেখানে আমরা এসে পার্ট অভিনয় করি । বাবা বলেন যে আমাকেও আমার পার্ট অভিনয় করতে হয় । আমি তো পতিতদের পবিত্র বানাতে আসি। এই সময় এই পতিত দুনিয়ায় একটিও পবিত্র আত্মা নেই । আবার পবিত্র দুনিয়ায় একটিও পতিত আত্মা থাকবে না। সত্যযুগ, ত্রেতাযুগ পবিত্র হয়, দ্বাপর যুগে দ্বাপর যুগ, কলিযুগ পুরো হলো পতিত । পতিত - পাবন বাবাই এসে সবাইকে শিক্ষা দেন যে, হে ! আত্মারা তোমরা এই শরীরের সাথে ৮৪ জন্মের পার্ট সম্পন্ন করেছে । তার মধ্যে অর্ধ সময়ে সুখ আর অর্ধ সময়ে দুঃখ প্রাপ্ত করেছে । দুঃখ ধীরে ধীরে শুরু হয় । এখন অনেক দুঃখ রয়েছে । এখন অনেক প্রকারের বিপর্যয় আসবে । এই সময় সবাই ভ্রষ্টাচারী হয়ে গেছে । কারোর যোগ বাবার সাথে নেই । আত্মা নিজেকে ভুলে গেছে । এবার তো বাবা বোঝাচ্ছেন যে, প্রেমিক প্রেমিকা যেমন হয় না ! ছেলেমেয়েরা অনেক সময় যেমন এক অপরকে জানেও না, কিন্তু তাদের বাগদান (সাগাই) হয়ে যায় তারপর তারা প্রেমিক প্রেমিকা হয়ে যায় । সেই বাগদান (সাগাই) হল বিকারের জন্য । তারা হলো পতিত প্রেমিক প্রেমিকা । আবার আর এক প্রকারের প্রেমিক প্রেমিকা হল যারা কেবল একে অপরকে দেখতে থাকে , যেমন লায়লা মজনু দু'জনে একে অপরের দিকে তাকিয়ে থাকে । তারা বিকারে যায় না । কাজ করতে করতে প্রেমিকা এসে সামনে এসে দাঁড়ায় যেন । যেমন মীরাবাই এর সামনে কৃষ্ণ উপস্থিত হয়ে যেতেন । এখন এ হল পরমপিতা পরমাত্মা প্রিয়তম, যার জন্য আমরা সব আত্মারা প্রেমিকারা হয়ে গেছি । সবাই ওনাকে স্মরণ করে । আশিক তো অনেক আছে , কিন্তু প্রিয়তম সবার জন্য একজনই। সমস্ত মানুষ মাত্র সেই একজনের প্রেমিক হয়ে থাকেন । সবাই ভক্তি করে ঈশ্বরকে পাওয়ার জন্য । ভক্তরা তো হয়ই প্রেমিকা, আর ঈশ্বর হলেন প্রিয়তম । এবার মিলন কেমন করে হবে ? সবার যিনি প্রেমিকা পরমাত্মা তিনি আসেন । এখন এসেছেন আর বলছেন বাচ্চারা তোমরা যদি আমাকে পেতে চাও তাহলে নিরন্তর আমাকে স্মরণ করো । আমার সাথে যোগ লাগিয়ে আমারই

প্রেমিক হয়ে যাও । এই রাবণ রাজ্যে কেবল দুঃখ আর দুঃখ ছেয়ে আছে । এখন এই সবার বিনাশ হতে হবে । আমি এসেছি তোমাদের পবিত্র বানাতে । তোমাদের এটা অন্তিম জন্ম, এই কারণে স্মরণ করলে পরে বিকর্ম বিনাশ হয়ে যাবে । ধর্মরাজের লাঠির আঘাত থেকে বেঁচে যাবে । সেই নিরাকার বাবা বলছেন আমার আদরের বাচ্চারা, এখন বিনাশের সময়, মাথার উপর পাপের বোঝা চেপে আছে। এখন পুণ্য আত্মা হতে হবে । যোগের দ্বারাই বিকর্ম বিনাশ হবে আর পুণ্য আত্মা হয়ে যাবে । বাবা বলেন ৬৩ জন্ম ধরে তোমরা রাবণ রাজ্যে পাপ আত্মা ছিলে । এখন তোমাদের পাপাত্মা থেকে পুণ্যাত্মা হতে হবে। দেবতার হা হলে পুণ্য আত্মা । পাপাত্মারা পুণ্য আত্মাদের পূজা করে । এখন এই হলো অন্তিম জন্ম, মৃত্যু তো সবারই হবে তাহলে উত্তরাধিকার (বর্সা) নিয়েই নেওয়া যাক না কেন ! পুণ্য আত্মা হয়ে যাই না কেন ! সব থেকে বড় পাপ কর্ম হলো বিকারে যাওয়া । বিকারীদের পতিত আর নির্বিকারীদের পবিত্র বলা হয় । সন্ন্যাসীরাও পতিত ছিলেন তাইতো পবিত্র হবার জন্য ঘরদুয়ার ছেড়ে বেরিয়ে পড়েন । তারপর যখন পবিত্র হয়ে যান তখন সবাই ওঁদের সামনে মাথা নত করে। প্রথমে যখন পতিত ছিলেন তখন কেউ মাথা নত করত না । এখানে তো মাথা নোয়ানোর কোনো ব্যাপার নেই । বাবা বাচ্চাদের শ্রীমত দেন যে নিজেকে আত্মা ভাবো, আর আমরা এখানে এসেছি পার্ট অভিনয় করতে, তারপর বাবার কাছে ফিরে যাব । এখন দেহ সম্পর্কিত সব তীর্থ বন্ধ করে দিতে হবে । তোমাদের ঘরে শান্তিধামে ফেরত যেতে হবে । যখন যাত্রা করা হয় তখন যাত্রার সময় পবিত্র থাকে সব । তারপর ঘরে এসে পতিত হয়ে যায় । সেটা হলো অল্প কালের জন্য দেহ সম্পর্কিত যাত্রা । এখন তোমাদের রুহানি যাত্রা শেখাচ্ছি । বাবা বলেন - আমার দেওয়া শ্রীমত অনুযায়ী চললে তোমরা অর্ধ কল্প অবধি অপবিত্র হবে না । সত্যযুগে রাধা কৃষ্ণের বাগদান পতিত হবার জন্য খোড়াই হয়েছে । ওখানে সব পবিত্র । যোগবলের দ্বারা বাচ্চার জন্ম হয় । যেমন যোগবলের দ্বারা তোমরা বিশ্বের অধীশ্বর হয়ে যাও । ওখানে বাচ্চারা কখনো শয়তানসুলভ আচরণ করে না কেননা ওখানে মায়া থাকে না । বাচ্চারা ভালো কর্মই করবে । ওখানে কর্ম অ-কর্ম হয়ে যাবে । এখানে রাবণ রাজ্যে তোমাদের কর্ম বিকর্ম হয়ে যায় । এই নাটক পূর্ব রচিত । তোমরা সব কুমার কুমারীরা পরস্পর ভাই বোনের সম্পর্কে আছো । তোমরা শিববাবার পৌত্র হয়ে গেছো । বর্সা (উত্তর অধিকার) বাবার থেকেই প্রাপ্ত হয় — স্বর্গের ঐশ্বর্যের (বাদশাহী) উত্তরাধিকার । এবার বাবা এসে মহিলা পুরুষ দুজনেরই যোগ নিজের সাথে লাগান । বলেন গৃহস্থ সংসারে থেকে পবিত্র থাকো । এই বাহাদুরি দেখাও । একসঙ্গে থেকেও কাম অগ্নি যেন গ্রাস না করে, এমন ভাবে থাকলে অনেক উচ্চ পদ প্রাপ্ত হবে । ভীষ্ম পিতামহের মতন ব্রহ্মচারী হতে হবে, মেহনত করতে হবে । লোকেরা ভাবে এটা বোধহয় খুব মুশকিল কাজ । কিন্তু বাবা সব শেখাবার জন্য যুক্তি বলে দেন । শিব-ভগবানুবাচ — কৃষ্ণ কোনে ভগবান নন। উনি হলেন দৈবীগুণ সম্পন্ন মানুষ । ব্রহ্মা বিষ্ণু শংকর হলেন সৃষ্টিবতনবাসী । ব্রহ্মার পদ, বিষ্ণুর থেকে উচ্চ । যেমন ব্রাহ্মণদের পদ দেবতাদের থেকেও উচ্চ হয়। কেননা এই সময় তোমরা হলে আধ্যাত্মিক সমাজ কর্মী (social worker) । মানুষদের আত্মায় পবিত্রতার আর যোগের ইনজেকশন লাগিয়ে দিচ্ছো । তোমরা এই ভারতকে স্বর্গ বানিয়ে দিচ্ছো, এই জন্য রচয়িতার মহত্ব অনেক বেশি হয় । যদিও তোমরা দেবতায় পরিণত হচ্ছো কিন্তু এই সময়ে তোমরা ব্রাহ্মণ হয়ে সেবা করে চলেছো, দেবতা রূপে সেবা করা হয় না । ওখানে তোমরা রাজত্ব করবে । তোমাদের সেবা কাজ হলো নরকবাসী ভারতকে স্বর্গবাসী বানানো, এই জন্য 'বন্দে মাতরম্' বলে থাকে । শিব শক্তি সেনা বাহিনী। মাঝাকে সিংহের ওপর অধিষ্ঠিত

দেখানো হয়, কিন্তু এই রকম হয় না। তোমরা হলে বাঘিনী কেননা তোমরা পাঁচ বিকার থেকে জিত প্রাপ্ত করেছো। ভারতকে স্বর্গ বানাচ্ছো। এই রকম সেবা হয়েছে বলেই না অনেক শক্তির মন্দির আছে। কিন্তু প্রধান হলো একটা। শক্তি প্রদান কারী একমাত্র শিববাবা। এই সবই হল ওঁনার মহিমা। তারপর যারা যারা তাঁর সাহায্যকারী তাদেরও অনেক নাম মহিমা কীর্তিত হয়। পুরুষ, পান্ডবদের মহারথী বলা হয়। পুরুষ মহিলা দুজনকেই দরকার। প্রবৃত্তি মার্গ না! তাই। কখনো কোনো বিকারীকে গুরু বানানো উচিত নয়। গৃহস্থকে গুরু করে কোনো লাভ হয় না। গৃহস্থ হলো পতিত আর পতিত কখনো পতিতকে পবিত্র বানাতে পারে না। ওরা নিজেদের সন্ন্যাসীদের অনুগামী (ফলোয়ার্স) বলে কিন্তু নিজেরা স্বয়ং সন্ন্যাসী না হলে এই সব মিথ্যা হয়ে যায়। আজকাল তো অনেক ঠগবাজ হয়। গৃহস্থ গুরু হয়ে বসে পড়ে আর পবিত্রতার কথা তোলেই না। এখানে বাবা বলেন পবিত্র হও তাহলেই তোমরা আমার সন্তান বলতে পারবে। পবিত্র হওয়া ছাড়া রাজত্ব পাবে না। তাই তো অবশ্যই বাবার সাথে যোগে থাকতে হবে। এবার যে যাঁকে মানে। ভাবো কেউ যদি গুরু নানককে মানে, তাহলে সে সেই ঘরানার হয়ে যাবে। স্বর্গে সেই যাবে যে এই সময় শিক্ষা গ্রহণ করে পবিত্র হয়ে যাবে। গুরু নানককে কেউ দেবতা বলবে না। দেবতারা থাকেন সত্যযুগে। ওখানে অনেক সুখ, অন্যান্য ধর্মের অনুগামীরা স্বর্গের কি সুখ তা জানে না। ভারতবাসীরা স্বর্গেই থাকে। বাদবাকি সব পরে আসে।

যারা যারা দেবতা হওয়ার, তারাই দেবতা হবেন। এই সময় দেবতাদের আর লক্ষী নারায়ণকে পূজো করা হয় আর সবাই বলে আমাদের হিন্দু ধর্ম। কেননা তারা পতিত হয়ে গেছে। সেই জন্য পবিত্র ধর্ম ভুলে গেছে। আর বলে যে আমরা হিন্দু। আরে! তোমরা হলে দেবী দেবতার ধর্মের অন্তর্গত। তাহলে নিজেদেরকে হিন্দু কেন বলো! হিন্দু ধর্ম বলে কোনো ধর্ম হয় না, কারণ তাদের এখন পতন ঘটেছে। খুব অল্প সংখ্যকই দেবতা হন। যারা এখানে এসে শিক্ষা গ্রহণ করেন — তারাই মনুষ্য থেকে দেবতা হয়ে যাবেন। কম শিক্ষা গ্রহণ করলে সাধারণ প্রজাদের মধ্যে চলে আসবে। আর বাবার হয়ে গেলে -- বাবার বিজয় মালায় গাঁথা হয়ে যাবে। এখন তো রুহানি প্রেমিক প্রেমিকা হতে হবে। সত্যযুগে দেহধারী হবে, কলিযুগেও দেহধারী হয়। এখন সঙ্গমযুগে রুহানি প্রেমিকা হতে হবে একজন প্রিয়তমের (বাবার)। বাবা বলেন আমাকে অবিরাম স্মরণ করতে থাকো। বিকারে গেলে পরে একশ গুণ বেশি দন্দ (সাজা) পেতে হবে, পতন ঘটলে বাবাকে জানাতে হবে যে, বাবা আমরা মুখ পুড়িয়েছি। বাবা বলছেন যে, "বাচ্চারা এখন তোমাদের গৌরবর্ণের হতে হবে"। কৃষ্ণকে শ্যাম-সুন্দর বলা হয়, ওঁনার আত্মা এই সময় কালো হয়ে গেছে। আবার জ্ঞান চিতায় বসে গৌরবর্ণ হয়ে যাবে। ২১ জন্মের জন্য সুন্দর হয়ে যাবে, তারপর শ্যামবর্ণের হয়ে যাবে। এই শ্যাম আর সুন্দরের খেলা রচিত হয়ে রয়েছে। শ্যাম থেকে সুন্দর হওয়ার সময় এক সেকেন্ড লাগবে, সুন্দর থেকে শ্যাম হতে গেলে অর্ধ কল্প লেগে যায়। অর্ধ কল্প শ্যাম, আবার অর্ধ কল্প সুন্দর। শিববাবা হলেন একমাত্র সুন্দর পথিক আর বাকি সব সজনিরা কালো হয়ে গেছে। সুন্দর হওয়ার জন্য তোমাদের যোগ শেখানো হয়। সত্যযুগে ফার্স্ট ক্লাস ন্যাচারাল সৌন্দর্য হয়, কেননা তখন পাঁচ তত্ত্ব সতোপ্রধান হওয়ার জন্য শরীরও সুন্দর হয়ে যায়। এখানে তো আর্টিফিসিয়াল সৌন্দর্য। পবিত্রতা খুবই সুন্দর জিনিস। বাবার কাছে অনেকে আসে, পবিত্রতার প্রতিজ্ঞা করে, কিন্তু এতে কেউ

অসফল হয় (fail), আবার কেউ পাশ (pass) করে যায়। এটা হলো ঈশ্বরীয় মিশন, ডুবে থাকা ভারতকে উদ্ধার (salvage) করার। ভারতের নৌকা রাবণ ডুবিয়েছে, রাম এসে পার করে দেন। তোমাদের বুদ্ধিতে আছে যে আমরা স্বর্গে গিয়ে হীরে জহরত খচিত মহল বানাবো। এই শরীর ছেড়ে প্রিন্স প্রিন্সেস হবো। যারা আমার সন্তান, তাদেরই এই রকম ভাবনা চিন্তা চলতে থাকবে। এ হল ঈশ্বরীয় দরবার বা ঈশ্বরীয় পরিবার। গান আছে না — তুমি মাতা তুমি পিতা... আমরা তোমার সন্তান। তাহলে গান অনুযায়ী তো সবাই পরিবারের হয়ে গেলো, তাই না। ঈশ্বর হলেন পিতামহ, ব্রহ্মা হলেন বাবা। তোমরা হলে ভাই বোন। স্বর্গের উত্তরাধিকার(বর্সা) তোমরা পিতামহের থেকে নাও, তারপর আবার হারিয়ে ফেলো, তারপর আবার বাবা আসেন উত্তরাধিকার(বর্সা) নিয়ে। তোমরা আসলে মানে প্র্যাকটিকালি বাবার হয়েছ এই বর্সা (অধিকার) নেওয়ার জন্য। আসলে বাস্তবে তোমরা বাচ্চারা হলে শিবের পৌত্র পৌত্রী। তাই তো একে ঈশ্বরীয় দরবার বলা হয়, ঈশ্বরীয় পরিবার বা কুটুমও বলতে পারো। আচ্ছা !

মিষ্টি মিষ্টি হারানিধি (সিকীলধে) বাচ্চাদের প্রতি বাপদাদার ভালোবাসা ও স্মরণ আর সুপ্রভাত।  
রুহানি বাবার রুহানি বাচ্চাদের নমস্কার।

\*ধারণার জন্য মুখ্য সার :-\*

\*১)\* জ্ঞান চিতায় বসে সম্পূর্ণ ভাবে পবিত্র (গৌর বর্ণ) হতে হবে। পবিত্রতা হল প্রথম নম্বর সৌন্দর্য। এই সৌন্দর্য ধারণ করে বাবার সন্তান বলার অধিকারী হতে হবে।

\*২)\* এই বিনাশকালে মাথার ওপরে যে পাপের বোঝা আছে, সেটাকে একমাত্র বাবার স্মরণের দ্বারা নামাতে হবে। পুণ্য আত্মা হওয়ার জন্য শ্রেষ্ঠ কর্ম করতে হবে।

\*বরদান :- নিজের মস্তকে সর্বদাই বাবার আশীর্বাদী হাতের অনুভব কারী বিঘ্ন বিনাশক ভবঃ\*

বিঘ্ন বিনাশক সে-ই হতে পারবে যার মধ্যে সর্বশক্তি আছে। তাহলে সর্বদা এই নেশায় মগ্ন থাকো, যে আমি হলাম মাষ্টার সর্ব শক্তিমান। সর্ব শক্তিগুলি যথাযথ সময় কাজে প্রয়োগ করো। যে ভাবেই মায়া আসুক না কেন তোমরা কিন্তু নলেজ ফুল থাকবে। বাবার হাত আর সাথের দুটোর অনুভূতিতে কণ্ঠাইন্ড রূপে থাকো। রোজ অমৃত বেলায় বিজয়ের তিলক স্মৃতিতে লাগিয়ে দাও। অনুভব করো যে বাপদাদার আশীর্বাদী হাত আমার মস্তকে আছে আর এই জন্যই বিঘ্ন বিনাশক হয়ে সর্বদা নিশ্চিন্ত থাকো \*

\*স্লোগান :- সেবার দ্বারা অবিনাশী খুশীর অনুভূতিতে থাকা আর খুশীর অনুভূতি করানোর জন্য সত্যকারের সেবাধারী হও।\*